



Manitoba



# Tuhaqtitaujukhaq

Tuhaqtitauhainnaqtukhaq

## Hivuliqtiit Nunavunmin Manitobamillu miitiqaqtigiiktun atauttikkuh hivulliutiujumajaujuni

*Hivuliqtiit havagumajun nutaanguqtiqtukhamun Nunavut-Manitoba Tukihidjutikkut Titirarmik (MOU) hivumuudjutimullu uumani Kivallirmi Hydro-Fibre Atadjutimi*

**Winnipeg, MB (Fibjuali 9, 2026)** – Manitobami Hivuliqti Wab Kinew unalu Nunavut Hivuliqti John Main, unalu Kivalliq Inuit Katimaviani Angjuqhiq Kono Tattuinee, katimajun ippakhaani Winnipegmi uqautigiplugin ihuaqhaqtakhat hulidjutikhallu uvani Kivalliq Hydro-Fibre Link (KHFL) taimaatun hanaqidjutikkut piangaijarnimun imaalu auladjutikhakkut ukunani Manitobami Nunavunmilu.

Una KHFL piujuq Inuinnarnit-hivulliutuqtaujuq nunami-pivallialiurnirnun havaktakhat atadjutikjuktur nunallaani ujaraghiurvingniklu Kivallirmi Nunavunmi piqarluni aularaanginnaqtaqtunik imakkut-pauwatuutikhanik uumanilu fibre-optic atadjutinik Manitoba Hydrokut pauwatuutaanin.



Aipuri 2025mi, Manitoba angiqhimajuq 50 megawattsinik pauwajtuutikhanik uvunga KHFLmun ilaupluni hivulliurutaanin uumunga Manitoba Hydromun utiqtiffaarianganik ilanganik pauwatuutunik aullaqtihimajunik United Statesmun ikajuriami pauwatuutikahnun nunami-pivallialiurnirnun havaktakhanun Kanadami.

Manitoba Nunavullu havagumajut atauttikkuh havaklutik uumani iharianaqtumi aulapkaidjutikhami ikajuriaqtumik Ukiuqtaqtumi atanniqtuidjutaani amiridjutaanilu ukunanilu ukiuqtaqtumi piangaijarnirnun pivallialiurnirnun. Una ilalik aularaanginnaqtaqtunik hivjajautinik kavamatuqatkunnun ikajurutikhanik akitujuni maniliqtuutikhanik ukununga KHFLmun ukunungalu pidjutiaqtunun imakkut-pauwaliurutikkut nutaanguqtirutinun Manitobami.

Una KHFL atadjutiniaqtuq uvunga Manitoba Hydrop pauwaliqidjutaanun haniani Churchill. Una havaktakhaq ikajuriaqtaa pimmarigharniaqtaalu pivallialiurninik uvani Tulaktarvingmi Churchillmi ikajurnikkut angmaqtirlugin ukuiqtaqtumi atuqtakhanik uuktuqvikaniklu,

ikajuqhimmaarluni hivumuudjutikkut ihuaqhainirnun uvanilu hila mun hulidjutikhainnun ukunuuna ikiklijuummiqtirnirnun uqhuqlungnik aturaanginnarutainnun.

“Nunavut unalu Manitoba ihuaqtumik paannariiktuk,” uqaqtuq Hivuliqti Kinew. “Hivumuutilluta uvani Tulaktarvingmi Churchillmi, havaqatiginiyaqtavun Denejun aallallu ukiuqtaqtumi Aallailu Manitobami, taimaatun pivallialiuhuta Ukiuqtaqtumik, havaktugun atauttikkut.”

“Quajagijumajatka Hivuliqti Kinew unalu Angijuuqaaq Tattuinee hivulliurutainnun tautugutainnullu hakugiktumun, aullariktumun Ukiuqtaqtumik,” uqaqtuq Hivuliqti Main. “Nunavut unalu Manitoba hakugitqijaujuq atauttikkut, niriuktungalu havaqatigijaamni tamarmingnun hivumuudjutikkut havaktakhanik atauttikkut pijumamaptingni. Niriuktunga uumunga Hivuliqti Kinew Ministainnilu aqidjutaanun Ukiuqtaqtumun nutaanguqtirutaanun aviktuqhimanirmi ukiuqtaqtumi MOUmun.”

“Una Kivalliq Inuit Katimajit quviagijaa nutaanguqtiqhimajuq havagumanikkut tautungnaqtuq ublumi ukunanga Hivuliqtiininn Nunavunmin Manitobamillu,” uqaqtuq Angijuuqaaq Tattuinee. “Una Kivalliq Hydro-Fibre Atadjuti Inuinnarnit-hivulliuqtaujuq nunami-pivallialiurnirnun havaktakhaq tautuktitaa atauttikkut hivulliutiujumajavun ihuaqtainirnun, hila mun hulidjutainnun, ukiuqtaqtumilu piangaijarnirnun pivallialiurnirnun. Una havaqatigiingniq tautuktitaa hunat pijaaqtaarutait kavamatkut havagaangata ihuaqpiaktukkut paannariigutikkut Inuinnarnun hivumuudjutiinni iharianaqtuni aulapkaidjutikhanik hakugikharutikhat Ukiuqtaqtumi atanniqtuidjutainni, mikhilaarutainnik aturaanginnarutainnik uqhuqlungnirnik piliuqhunilu aularaanginnaqtukhanik uuktuutikhanik nunallaaptingunun hivunikhanilu kingulliptingnun. KIA niriuktuq ukununga aularaanginnaqtukhanik paannariigutinik taimaaqtun hapkuat akhuurnaqtun havaktakhat hivumuudjutainni.”

Nukik Corporation, una tamaat Inuinnarnin-nanminirijaujuq akhuuqtut uumani KHFL, tunihimaliqtun aulapkaidjutikkut havagutikhamik tukhirutimik uumunga Manitoba Hydro havagutillu havaliquqtavun aullaqtiriami pidjutikhamik hulaqidjutikkut naunaijautikhamun.

###

#### **Tuhaqtipkainikkut Uqarvigijakhaq:**

Joanna Awa  
Tuhagtudjutikhanut Titiraqti, Havagvia  
Hivuliqti John Main  
Nunavut Kavamanga  
867-975-5059  
[jawa7@gov.nu.ca](mailto:jawa7@gov.nu.ca)

Ryan Stelter (angut/inmi)  
Tuhagtudjutikhanut Titiraqti, Ministanin  
Tuhagtupkaidjutini  
Manitoba Kavamanga  
204-590-8582  
[ryan.stelter@manitoba.ca](mailto:ryan.stelter@manitoba.ca)

Tuhaqtipkaidjutit  
Kivalliq Inuit Katimavia  
[communications@kivalliqinuit.ca](mailto:communications@kivalliqinuit.ca)